

# 1 PETRUS

## Petrusnge waje ambonga kuyarna

Petrus nu waje te Kristus tuku kuasmbi ma tugu jakmba mbolnge mine likinaig ta tuku kuyarna. Ait ta mbolnge nane sunngomba piti yeki yeki sugokanu kanjerkinaig tukunu nu nane piti sinamnge bike ndaka sanjri tinguwai g nga waje te kuyarna.

---

**1** <sup>1</sup>Kuate tuku mbal tane rawe tanjo tana Pontus Galesia Kapadosia Asia Bitinia ma tugu ta jakmba mbolnge mine likade tane jakmba kaiye. Ye Petrus Yesus Kristus tuku aposel tane ndon pasatam prowet. <sup>2</sup>Tane Tukul Guwa tumba Kuate tuku mbal mayok ka Yesus Kristus tuku pasa dubika nuje ndare mbolnge purfejnu mayok kambim tuku Kuate nu o buk tane maditingina.

Kuate nu lato-latomba tane ake sinaj make patika ngamungal mukuk wamdu bul sertinguwa. Son.

### Sine abo jak minmba minam tuku minde mineg

<sup>3</sup>Sungo Yesus Kristus tuku Mam Kuate sine nu tuku nyu te-dungube. Yesus Kristus nu kumna le nu te-tina le abonga tingina wam ta mbolnge Mam Kuate nu sine sunngomba mapeka kitek kile-mayokkina le kile minmba nu tuku wam magenu minde mineg. <sup>4</sup>Kuate nu samba mbolnge sine kilam tuku madisingina wam mayenu ta kutur kugatok. Menje nda. Mayenu minmba minamngat. <sup>5</sup>Sine Kuate nu kumu ggeg mbal nu nuje sanjrimbi sine kulatka minwa le ma ma kugawam tuku ait mbolnge muskil kile-tidinge singamngat.

<sup>6</sup>Tane kile ait fagnu piti yimyam kamusde ta muskil kile-tidinge tingam tuku wam ta idusmba gare-gareka minap. <sup>7</sup>Nane aganj afu gol kanjeranu suk ta kilmba sinja gol e nga katesewam tuku pasokade. Tanjamba ndo tanjine ngamungal son ta katesewam tuku piti yimyam pa tananj tane pasokade. Piti mbolnge tanjine ngamungal son tugusek

mayok kinit ta Kuate am mbolŋge sungokanu ŋgisikam tuku agaŋ gol ta lite. Tane ŋgamuŋgal son ŋak ta Yesus prowa sulumba tane tuku nyu kile-mayokkuwa le tane nyu ŋak minmba minamŋgaig.

<sup>8-9</sup>Tane Yesus kaŋger ndanaig ta tane nu tuku kume purmba minig. Tane nu kaŋger ndade ta tane nu tuku saŋgri tomba tiŋgade. Tane taŋade le Kuate nu tane tuku muskil kile-tidiŋge tiŋgit le taŋgine ŋgamuŋgal son tuku alonu tade. Ta mbolŋge taŋgine gare maŋau suŋgo ŋayote.

<sup>10</sup>Kuate nu ake sinaŋ sine make patika muskil kile-tidiŋgate ta tuan taŋgo kame o buk ta tuku dir pasa saka katese mayewam tuku wamdusmba minnaig. <sup>11</sup>Kristus tuku Guwaŋge tuan taŋgo kame tumningina le Kuateŋge madina taŋgo nu rar suŋgo tuwa sulumba nyu suŋgo pasa ŋak tamŋgat ta nane isnaig. Ismba nuŋe ait ginu prowamŋgat ko kilke te ndaŋndaŋmba minwa le nu prowamŋgat ŋga katesewam tuku sotinaig. <sup>12</sup>Sotinaig ta Kuate nu tuan taŋgo kame ta sanaŋgina: Taŋgine ŋgarosu turam tuku piro ndakade. O ŋgumneŋga mbal afu tuku tane pirokade ŋga sanaŋgina. Mbal ta tane. Kuate nu samba mbolŋge Tukul Guwa kukulna le ndekina le nane afu nu tuku saŋgri mbolŋge Kristus tuku pasa mayenu tiŋginaig. Wam kame tane isnaig ta eŋel kameŋge katesewam tuku wamdus suŋgo ŋak minig.

#### **Kuate nu sine mine mayebe ŋga wikina**

<sup>13</sup>Tane wamdus ndindo pilmba wamdus kuyar mayenu ŋak likap. Kristus nu prowa le Kuate nu tane make patikamŋgat wam ta idusmba minap. <sup>14</sup>Tane o buk Kuate gilai minmba taŋgine nzali ŋaigonu dubikinaig ta kile kusrekap. Tane kiŋo kame magenu taŋaŋ Kuate kumnemŋge minap. <sup>15</sup>Kuate nu tane nuŋe kiŋo kame minam tuku wikina ta nu purfeŋnu tukunu tane nu tuku wam te-purmba taŋgine mine mbolŋge purfeŋnu minap. <sup>16</sup>Kuate tuku kuyar pasa teŋenmba sakate. Ye purfeŋnu minet taŋamba ndo tane yiŋe mbal purfeŋnu minap ŋgate.

<sup>17</sup>Tane Kuate nu siŋgine Mam ŋgade ta nu sine taŋgo ŋakmba tuku maŋau kumumbi pilesiŋgit. Ta tuku tane rironŋka kilke te mbolŋge minmba nu kumnemŋge minap. <sup>18</sup>Taŋgine mbuŋ kat taŋgine tuku maŋau alo kugatok dubika minnaig le ta ŋgamukŋge Kuate nu tane tuku muskil kile-tidiŋge tiŋgina ta gol le silwa ŋgisikam tuku agaŋ tambi nu tane piya ndatiŋgina. <sup>19</sup>Nu Kristus tuku ndare tambi tane tuku muskil kile-tidiŋge tiŋgina. Nane sipsip fatnu mayenu balemba Kuate atraukade taŋaŋ Kristus nu purfeŋnu minmba nuŋe ŋgarosu kumam tuku pilna. <sup>20</sup>Kuate nu agaŋ ndende nda kile-mayokkina sulumba nu Kristus piro ta kam tuku nu madina. Kile kugawam tuku ait te mbolŋge tane turkam tuku mayok kina. <sup>21</sup>Tane nu mbolŋge Kuate tuku saŋgri tomba tiŋgade. Kristus nu kumna le Kuate nu te-timba nyu suŋgo tuna wam ta tuku tane Kuate nu kumuŋ ŋga nu tairŋga minig.

### Sine tira kame ngamungal niŋbe

<sup>22</sup>Tane Kuate tuku pasa tugusek dubide ta taŋgine mine magenu mbolŋge minmba miŋgemi ndo sa ndaka taŋgine ngarosumbi turmba taŋgine tira kame tuku kume purde. Ta tuku tane kile taŋgine ngarosu ŋakmbambi taŋgine taŋgine muŋgu kume purkam tuku wamdus saŋgrinu palpe. <sup>23</sup>Tane kiŋo dabro kitek taŋaŋ maŋ mayok kinaig. Taŋgo tuku maŋau dubimba ina sinamŋge mayok nda kinaig. Abo ta ngisikam tuku. Tane Kuate tuku pasa minmba minam tuku ta tinaig sulumba kitek mayok kinaig. <sup>24</sup>Kuate tuku kuyar pasa teŋenmba sakate.

Kilke mbol mbal aŋga taŋaŋ minig.

Naŋgine mindepiye aŋga botnu taŋaŋ.

Aŋga ta tugunu lamba botnu supika ndekate.

<sup>25</sup>Suŋgo tuku pasa taŋawe nda.

Nu minmba minamŋgat ŋgate.

*Aisaia 40.6-8*

Nane afu pasa mayenu tane tugumŋge kuklinaig ta not.

**2** <sup>1</sup>Tane maŋau ŋaigonu ŋakmba kusreka wam afu yabri ndakap. Taŋgine yabri maŋau yabuka sine tiŋreknu mineg ŋga sa ndakap. Afu tuku mine magenu tuku wamdus kagli fir ndakap. Afu tuku ŋgumnem pasa sa ndakap. <sup>2-3</sup>Tane buk Kuate tuku raŋgun mayenu katesenaig. Ta tuku kiŋo dabro amo nyam paraniŋgit taŋaŋ tane Kuate tuku pasa tugusek tam tuku paratiŋguwa. Tane taŋamba nyumba minap ma ma sugo-sugowap le muskil kile-tidiŋge tiŋgamŋgat.

### Ndame mayenu abo ŋak

<sup>4</sup>Ndame ande taŋgo kameŋge gisleknu ŋga te-sinaig ta Kuate nu ndame ta madimba nu ndame suŋgo ŋgina ta Kristus. Ndame ta abo ŋak. Tane nu tugum prowap. <sup>5</sup>Promba ndame abo ŋak taŋaŋ minmba Kuate tuku wande palmbim tuku taŋgine ngarosu patikap. Taŋawap sulumba tane Kuate tuku pris taŋaŋ mayok ka taŋgine maŋau magenumbi Kuate atraukanu sukamŋgaig. Tane Yesus Kristus ndoŋ ulendikade le Kuate nu tane tuku atrau aŋaŋ ta nzalite. <sup>6</sup>Kuyar pasa teŋenmba sakate.

Ye ndame suŋgo madimba tumba Sion tumbraŋ tuku ndame ŋakmba nu mbolŋge saŋgri tiŋgam tuku palmbimŋgit. Ande nu ndame ta tuku saŋgri tomba tiŋguwa ta nu tumail pulunuŋgat ŋgate.

*Aisaia 28.16*

<sup>7</sup>Tane ndame ta tuku saŋgri tomba tiŋgade mbal nu tane am mbolŋge ndame suŋgokanu. Nane nu talade mbal Kuate tuku kuyar pasa teŋenmba nane tuku sakate.

Ndame ande ndame wande pilig mbal gisleknu ŋga te-sinaig. Ndame ta kile wande ta tuku ndame ŋakmba nu mbolŋge saŋgri tiŋgade ŋgate.

*Mune 118.22*

<sup>8</sup>Kuyar pasa ande tenjenmba sakate.

Tango kame ndame ta mbolnje kupe dannga mbikeka barinunngaiga  
nga sakate. *Aisaia 8.14-15*

Kuate nu o buk sakina tanjamba ndo nu tuku pasa nda isanu sukmba ngummede mbal nane baringade ta <sup>9</sup>tane tanjamba kuga. Tane Kuatenge maditingina. Tane nu tuku kuasmbi ndindo minig. Tane Sunjo Kuate tuku pris mbal. Tane nu tuku mbal mayok ka nu tuku tur manjau mayenu afu saningam tuku nu ma make sinamnge tane wika kilmba nuje bulu mayenu mbolnje patikina. <sup>10</sup>Tane buk nyu kugatok mbal minnaig. Kile tane Kuate tuku mbal nyu njak minig. Kuate nu buk tane mape ndakina. Kile nu tane mapekate.

### Wam pagu pasa yeki yeki

<sup>11</sup>Tira kame, tane samba mbolok mbal mayok ka kile tenge rawe tango tananj minig. Tane ngarosu kikonj tingam tuku nzali njakmba ngumneningap. Ngarosu tuku nzalinge tangine kanu njaijo siglikate. <sup>12</sup>Tane Kuate dubi ndade mbal ngamuknge mine mayenu mbolnje minap. Tane tanjapaw ta nane tane wam njaijonu kanu nga ngumnem pasa tinguwaij sulumba tane tuku mine mayenu kanjeramngaig. Kanjerwaij le Kuate nu nane tugum prowa le nane Kuate tuku nyu te-dungamngaig.

<sup>13</sup>Kilke mbol mbal nanjine sugo yimyam patikade ta tane Kuate tuku mbal tukunu manjau mayenu te-mayokmba nane kumnemnge minap. <sup>14</sup>Kilke tuku gabat sunjo ko gabat fonjon nu tuku nyu mbolnje pirokade nane njakmba kumnemnge minap. Gabat fonjon nane mbarde mbal lafu njayonu nijmba wam mayede mbal nyu kile-dungam tuku nu patikate le nane piro ta kade. <sup>15</sup>Tane manjau tinjeknu kumba tamba nane wamdus tugusek kugatok mbal tuku minje tukulningam tuku Kuate nu nzalite. <sup>16</sup>Kuate nu tane muskil kile-tidinge tingit mbal tane tukul tuku piti kugatok tananj likap. Sine tukul pasa kumnemnge mine ndakeg nga wam njaijonu afu kam tuku idus ndawap. Tane Kuate kumnemnge minmba nu tuku piro mbal minap. <sup>17</sup>Tane tango njakmba idusnijmba ande maim maim tuwe ndakap. Tane Kristus tuku kuasmbi tuku kume purmba Kuate kumnemnge minmba nu tuku nyu kuraukap sulumba sisar tuku nyu idusap.

<sup>18</sup>Piro mbal, tane tangine kulat mbal tuku nyu idusnijmba nane kumnemnge minap. Kulat mbal ranjun magenu ta ndo kuga. Minje sanjrinumbi tane kulatkade mbal mata kumnemnge minap. <sup>19</sup>Tane mbar ndade le afu ake sinanj tane kattingig le sine Kuate tuku mbal nga wamdus piti kugatok rar kurade ta tane wam mayede. <sup>20</sup>Tane mbarde le afunge kattingig le tane wamdus piti kugatok rar kurade ta alo kugatok. Tane manjau tinjeknu kade le kattingig le tane ndek wamdus piti kugatok rar kurade ta Kuate nu nzalite.

<sup>21</sup>Tane wamdus piti kugatok piti kurawam tuku Kuate nu tane wikina. Kristus nu sinenu nga rar sunjo tina sulumba piti mbolnje sine nu tuku manjau dubiwam tuku tumsinjina. <sup>22</sup>Nu mbar ande ke ndakina. Yabri pasa ande mata sa ndakina. <sup>23</sup>Nane afunje nu tumail pannaig ta nu lafumba nane tumail pan ndaningina. Nane nu ngaro rar sunjo tunaig ta nu lafumba rironj pasa ande sa ndaningina. Kuate nu tanjo kumumbi pileningit nga nu wam ta njakmba nu wai mbolnje patikina. <sup>24</sup>Sinjine manjau njaignou kusreka mine kitek mayenu mbolnje minbe nga nu sine tuku une kilmba ail kazrai mbolnje kumna. Nu tuku mbamake tanje sine tuku muskil kile-tidinge sinjina le sine mage mineg. <sup>25</sup>Sine sipsip tanjan ndin mbarmba njisika mingenj ta kile Sipsip Kulat Tanjo tugusek tugum proweg le nu sine tuku kanu kulatkate.

### Pino le tanjo tuku pasa

**3** <sup>1</sup>Pino kame, tane tanjine tanjo kat tanjine tuku minje kumnemnje minap. Tane tanjamba minmba tanjine tanjo afu Kuate tuku pasa dubi ndakade ta tane pasa ande sa ndamba tanjine ngan manjau tamba nane Kuate dubiwam tuku didikamngaig. <sup>2</sup>Tane alej alej ndaka Kuate kumnemnje minmba katesek manjau njak minap le tanjine tanjo kat tanjine nane manjau ta kanjermba Kuate dubiwam tuku iduswaig.

<sup>3</sup>Tane gabat waje mara mara parej latomba mindepiymba tawi magenu tinjmba tanjamba ngarosou tuku mindepiye sungomba idus ndawap. <sup>4</sup>Tane ngamunjal tuku mindepiye wamdus bafuknu ngan manjau kile-mayokkap. Manjau ta kugawe nda. Minmba minamngat. Kuate am mbolnje sungokanu. <sup>5</sup>O buk pino kame Kuate dubimba nu minde minnaig mbal nane tanjamba ngamunjal tuku mindepiye njak minmba nanjine tanjo kat nanjine kumnemnje minnaig. <sup>6</sup>Tane Sara tuku manjau kanjerap. Nu Abraham kumnemnje minmba yije gabat nga minna. Pino kame, tane wam ande tuku kuru kuru ndaka manjau tinjeknu ndo kap ta tane Sara tuku kulim kame minig.

<sup>7</sup>Tanjo kame, tane mata ranjun mayenu njak tanjine pino kame ndon minap. Nane tane tuku sanjri kumuŋ kuga tukunu nane kulat magekap. Kuate nu tale arnej ake sinaŋ make patikina le tale kumu kumu abo kitek tinaik. Ta tuku tane tanjine pino kame kulat magekap. Kuate nu tane tuku yabanj pasa ise ndakikat.

### Sine ngamunjal ulendi njak minbe

<sup>8</sup>Ye wam pagu afu satinjamngit. Tane njakmba wamdus ndindo tap. Piti munju turturkap. Tanjine tanjine kume purkap. Tanjine nyu kile-mayok ndakap. Tane munju sinakap. <sup>9</sup>Nane afu tane mbolnje wam njaignou kuwaig kande tane lafumba wam njaignou ke ndakap. Ko nane afu tane tumail pantinguwaig kande tane lafumba tumail pan ndaningap.

Kuga. Tane lafumba nyaro mayenu niŋgap. Kuate nu tane wikina ta tane nyaro mayenu kilam tuku wikina. <sup>10</sup>Kuate tuku kuyar pasa teŋjenmba sakate.

Ande nu nuŋe mine ŋakmba mbolŋge gare minam idusmba kande nu pasa ŋayonu ko yabri pasa ande sa ndakuwa.

<sup>11</sup> Nu maŋau ŋaigonu kusreka wam magenu kumba minwa.

Nu nane ŋakmba ndoŋ ŋgamuŋgal mukuknu minam tuku wamdus saŋgrinu pilwa.

<sup>12</sup> Kuate nu taŋgo tiŋreknu kulatkate.

Nu nane tuku yabaŋ pasa isit.

Nu wam ŋaigonu kade mbal tuku ŋgueu minit.

*Mune 34.12-16*

Kuate tuku pasa taŋamba sakate.

### **Sine maŋau tiŋreknu tuku rar tam kumuŋ**

<sup>13</sup> Tane wam magenu kam tuku wamdus saŋgrinu palpe ta ande nu tane kilmba ŋaigo siglike nda. <sup>14</sup> Ko afuŋge tane maŋau magenu kap le kilmba rar tiŋguwaig kande taŋaig. Kuate nu tane mbolŋge wam magenu kamŋgat. Tane taŋgo tuku wam idusmba kuru kuru ndakap. <sup>15</sup> Tane Kristus nu sine tuku Suŋgo ŋga nu kumnemŋge minap. Ande nu ndaŋam tane Kristus minde minig ŋga kusnatiŋguwa ndeta tane lafuwam ŋga nu idusmba pasa mukuk sawap. <sup>16</sup> Tane Kuate am mbolŋge mbar tuku piti kugatok minap. Tane taŋamba Kristus ndoŋ ulendika mine mayenu mbolŋge minig le afuŋge tane ŋgumnem pasa tiŋgig ta ŋgumnem pasa ta luka nange kiko tuwaig. <sup>17</sup> Kuate nu nzaliwa le afuŋge tane maŋau tiŋreknu tuku rar tiŋguwaig kande maye. Tane mbarde ta tuku afuŋge rar tiŋguwaig ta ŋayo.

### **Kristus nu taŋgo tuku une saukam tuku kumna**

<sup>18</sup> Kristus mata mbar ndamba purfeŋnu minmba sine une ŋak mbal tuku kumna. Nu sine kilmba Kuate tugum prowam tuku taŋana. Nane nu tuku ŋgarosu balenaig ta nu nuŋe kanu mbolŋge abo ŋak mayok kina. <sup>19</sup> Nuŋe kanu kumba ka kanu afu muliŋ kilmba ndalekanu ma mbolŋge minnaig ta pasa niŋgina. <sup>20</sup> Muliŋ kilanu mbal ta nane Noa tuku ait mbolŋge nu waŋ kusmba minna le Kuate nu ŋgan minmba nane tairtairŋgina ta kuga. Nane nu tuku pasa ise ndakinaig. Taŋanaig le nane 8 ndo waŋ ta poŋginaig. Poŋginaig le kule taŋge waŋ tumba te-faitmba nane tuku muskil kile-tidiŋgina.

<sup>21</sup> Kule pisne maŋau wam ndui ta ndo tane tuku muskil kile-tidiŋge tiŋgit. ŋgarosu tuku kutur saukate le wam ta mbolŋge kuga. Kuate nu Yesus te-tina le tiŋgina tane wam ta tuku saŋgri tomba tiŋga taŋgine mbar tuku piti saukam tuku Kuate yabaŋmba kule pisne tade le muskil kile-tidiŋge tiŋgit. <sup>22</sup> Yesus nu tiŋgina sulumba samba mbol kumba kile

nu Kuate tuku ndinam kumamŋge nyu sunŋo ŋak minit le eŋel kame guwa kise kise saŋgri ŋak ta ŋakmba nu kumnemŋge minig.

### Sine Kristus tuku mbal rar tamŋgig

**4** <sup>1</sup>Kristus nu ŋgarosu ŋak minmba nu rar sunŋo tina. Tane mata wamdus ndui ta ŋak minap. Ande nu une maŋau te-ibeam tuku ŋgarosu rar tate ta nu une maŋau kusrekate. <sup>2</sup>Ta tuku tane kilke te mbolŋge minmba ŋgarosu tuku nzali ŋakmba tidonŋa Kuate tuku nzali kumnemŋge minap.

<sup>3</sup>Tane buk kiko kugatok ŋgarosu tuku nzali ŋgail ndaka une maŋau kam tuku wamdus saŋgrinu pilnaig. Tane kule kamenu sunŋomba nyumba afu ndoŋ maŋgurka isukusmba maim-maimkinaig. Tane yabri mbara dubika mbar sugo fare fare ke likinaig. Kuate dubi ndade mbal maŋau nzaliniŋgit ta tane buk ke kumunaig.

<sup>4</sup>Kile tane nane ndoŋ maim maim sugo kile-mayokka wam ŋaigonu ndui ta kam tuku ulendi ndakade le nane tane tuku piriri ŋayomba ŋgumnem pasa tiŋgig.

<sup>5</sup>Kuate nu abo minig mbal kumanu mbal pileniŋgam tuku minit ta nane nu tugumŋge naŋgine mbar kile-mayokkuwaig le nu pileniŋgamŋgat. <sup>6</sup>Kumanu mbal mata pasa mayenu isnaig. Nane une tuku lafunu kuramba kume likinaig ta naŋgine kanu Kuate taŋaŋ minmba minam tuku nane pasa mayenu isnaig.

### Sine afu turniŋbe

<sup>7</sup>Agan ndende ŋakmba kugawam tuku ait buk patukate. Ta tuku taŋgine ŋgarosu tuku nzali ŋakmba tidonŋa wamdus kuyar mayenu ŋak lika Kuate yabaŋmba minap. <sup>8</sup>Taŋgine taŋgine lato lato muŋgu kume purkap. Maŋau taŋge taŋgine mbar gudommmba saukate. <sup>9</sup>Taŋgine taŋgine wande muŋgu ŋgailka ande gubra ŋak te ndakap. <sup>10</sup>Kuate nu ake sinaŋ saŋgri yimyam tiŋgina ta tane kulat mageka tambi taŋgine taŋgine muŋgu turkap.

<sup>11</sup>Ande nu pasa kukliwam kande Kuate tugumŋge tumba kukliwa. Ande nu afu turniŋgam kande nu Kuateŋge saŋgri tuwit tambi nane turkuwa. Tane taŋamba kap ta wam ŋakmba mbolŋge Yesus Kristus tuku saŋgri mayok kuwa le Kuate tuku nyu afuŋge te-duŋgamŋgaig. Nu nuŋe nyu kilŋa saŋgri ŋak minmba minwa. Son.

<sup>12</sup>Tira kame, piti sugo tane tagotiŋgam tuku pa taŋaŋ tane pasokade ta tuku tane piriri ŋayo ndawap. Kristus tuku mbal piti kurawam tuku mineg ta sine kila. <sup>13</sup>Tane Kristus ndoŋ ulendika nu piti kamasna taŋamba piti afu kamasde ta tane gare-garekap. Kristus nu nyu sunŋo pasa ŋak mayok kuwa le tane nu ndoŋ gare sunŋo tamŋgaig. <sup>14</sup>Tane Kristus tuku kuasmbi tukunu afu tane tumail pantinguwaig kande tane

gare-garekap. Kuate tuku Guwa mayenu tane ndoŋ minit tukunu nane taŋade.

<sup>15</sup>Tane ande bale ndawap. Agar ande kuayar ndawap. Wam ŋaigonu ke ndakap. Taŋgo ande tuku wam mayenu kuer ndakap. Tane mbar taŋar kumba rar kamusap ta kiko. <sup>16</sup>Tane Kristus tuku nyu ŋak minmba rar tumba kande tane nyu ta kikonu yube ndaŋgap. Tane Kristus tuku nyu ŋak minig tukunu Kuate tuku nyu te-duŋgap. <sup>17</sup>Kile Kuate nu tugu pilmba sine nuŋe mbal pilesiŋgit ta nu tuku pasa mayenu pitaide mbal nu nane pileniŋmba ame piti niŋgamŋgat. <sup>18</sup>Kuyar pasa ande teŋenmba sakate.

Taŋgo magenu nane muskil kile-tidiŋgam tuku maŋaunŋe liniŋgam ndafloniŋgit.

Ata. Kuate idus ndamba wam ŋaigonu kade mbal ta siŋka ŋgisikamŋgaig ŋgate.

*Sindaun 11.31*

<sup>19</sup>Kuate nu nuŋe nzali dubiwa le afaunŋe rar tiŋguwaig kande taŋgine ŋgarosu Kuate wai mbolŋge pilmba maŋau tiŋreknu ndo kumba minap. Kuate nu tane wakeikina ta nu tane kulatka kusreke nda.

#### Gabat mbal tuku wam pagu pasa

**5** <sup>1</sup>Tane gabat kame, ye mata gabat taŋgo minet. Kristus nu rar sunŋo tina ta yiŋe ammbi nu kaŋgeren. Nu nyu sunŋo kilŋa saŋgri ŋak mayok kuwa le ye nu ndoŋ kilŋa saŋgri ŋak minamŋgit. Ye tane sarsartiŋmba satiŋgamŋgit. <sup>2</sup>Kuate tuku sipsip tane ŋgamukŋge mine likade ta tane kulat mageniŋgap. Taŋgine piro ta kanyum ndamba gare ŋak biyap. Kuate tuku nzali ta taŋamba. Tane ndametiŋ kilam tuku idusmba piro ndaka piro tuku wamdus saŋgrinu pilmba pirokap. <sup>3</sup>Sipsip kame tane kumnemŋge minig ta miŋge saŋgrimbi kulat ndakap. Taŋgine mine mayenu ta dubiwaig ŋga tumniŋgap. <sup>4</sup>Tane taŋamba pirokap ta sipsip kulat taŋgo tugusek nu mayok kuwa sulumba tane tuku nyu kile-mayokkuwa le nyu sugo ŋak minmba minamŋgaig.

<sup>5</sup>Tane mbanzo ŋakmba mage mage kumnemŋge minap. Tane Kuate tuku mbal ŋakmba nyu kile-ibenka muŋgu turturkap. Kuyar pasa ande teŋenmba sakate.

Mbe mbolmbolkade mbal Kuate nu nane ndoŋ ŋgueu minit. Nyu te-ibenmba minig mbal nu ake sinaŋ nane make patikate ŋgate.

*Sindaun 3.34*

<sup>6</sup>Ta tuku tane taŋgine nyu kile-ibenka Kuate tuku saŋgri kumnemŋge minap. Tane taŋamba minap le maŋau ta ŋgamukŋge Kuate nu tane tuku nyu kile-mayokka nyu sugo tiŋgamŋgat.

<sup>7</sup>Kuate nu tane idus tidiŋga kulatka minit tukunu taŋgine piti ŋakmba nu tuku wai mbolŋge patikap. <sup>8</sup>Tane wamdus kuyar mayenu ŋak kurauka likap. Taŋgine ŋgueu Satan nu laion taŋar nu gubanu ŋerŋerka tane tuku



ande balemba nyam tuku likate. <sup>9</sup>Tane son ngade pasa ta biye demba sangri tinga Satan tuku minge pitaimba ye mbulit nga samba minap. Tangine tira kame kilke yimyam mbolnge mine likade ta nane mata piti ndui ta ndo kanjerkade.

<sup>10</sup>Tane ait fagnu piti kumusap le Kuate nu ake sinaŋ tane make patikate nunge tane tuku piti ait mbilmba kumumbi tinjeknu kile-mayokka sangri piletinguwa le tane sangri tingamngaig. Nuŋe kilŋa sungo ta minmba minamngat. Tane kilŋa ta mbolnge minap nga nu Kristus mbolnge tane wikina. <sup>11</sup>Nu sangri sungo ŋak minmba minwa. Son.

<sup>12</sup>Singine tira Silvanus nu Kristus tuku piro kumumbi biyit nga iduset. Nunge ye turyat le waŋe fudinndo te tane tuku wamdus bul sertingam tuku kuyaret. Wam mayenu tane mbolnge minit ta Kuate nu ake sinaŋ make patikate wam tugusek nga kuyaret. Tane nu tuku wam mayenu ta kusre ndawap.

<sup>13</sup>Yesus tuku kuasmbi Romnge minig ta tane kaiye pasa tingig. Kuate nu nane madiniŋgina. Yiŋe kiŋo Markus nu mata tane tuku kaiye pasa tingit. <sup>14</sup>Tane tangine tangine tira kame ndoŋ kume pur maŋau alonu kile-mayokap. Tane Kristus tuku mbal ŋakmba ngamunggal mukuk ŋak minap.

Son.